

四庫全書

集部

# 欽定四庫全書

集部

御定佩文齋詠物詩選卷四百

三十九至  
四十九

詳校官侍郎

臣李封

主事銜

臣徐以坤覆勘

總校官檢討

臣何思鈞

校對官中書

臣張曾炳

謄錄監生

臣王思謩

欽定四庫全書

御定佩文齋詠物詩選卷四百三十九

白鵲類

五言古

贈黃山胡公求白鵲

唐李白

請以雙白壁買君雙白鵲  
白鵲如白練白雪恥容顏  
照影玉潭裏刷毛琪樹間  
夜棲寒月靜朝步落花間  
我願得此鳥翫之坐碧山  
胡公能輒贈籠寄野人還

和梅龍圖公儀謝鵬

宋 歐陽脩

有詩鶴勿喜無詩鵬勿悲人禽固異性所趨各有宜  
朝戲青竹林暮棲高樹枝  
呦呦山鹿鳴格磔野鳥啼  
聲音不相通各以類自隨  
使鶴居籠中垂頭似聽詩  
鷄鴈享鐘鼓魚鳥見西施  
鵬鶴不宜爭所爭良可知  
虬蟬與蟻子為物固已微  
當彼兩交聞勇如聞鼓  
輦有心皆好勝未免爭  
是非於我一何薄於彼一何私  
欄檻啄花卉叫號驚睡兒  
跳踉兩腳長落泊  
雙翅垂何足充翫好於何

定妍姍鵑口不能言夜夢以告之主人起謝鵑從我今  
幾時僮奴謹守護出入煩提攜逍遙遂棲息飲啄安雄  
雌花底弄日影風前理毛衣豈非主人恩報効爾宜思  
主人今白髮把酒無翠睂養鵑鵑又妬我言堪解頤

白鵑

明徐渭

野性悅魚鳥客寓尚籠致正如好竹人借居亦栽蒔鵑  
鳥自南來買入西河里王孫好法書籠以易吾字墨綵  
繡雪衣綠罽作襠帔有時轉喉中鳴若嫋雲際日夕湖

水波秋樹葉微紫送客不出門白玉掃長筵

七言古

附長短句

放白鷗篇

唐宋之間

故人贈我綠綺琴兼致白鷗鳥琴是嶧山桐鳥出吳谿  
中我心松石青霞裏弄此幽絃不能已我心湖海白雲  
垂憐此珍禽空自知著書晚下麒麟閣幼穉騎癡侯門  
樂乃言物性不可違白鷗愁慕刷毛衣玉徽閉匣留為  
念六翮開籠任爾飛

白鵬

明楊基

棠梨花開滿山白白鵬飛來春一色黃鸝紫燕太慙忙  
不道花間有閒客却嫌香露汚春衣立向湘江映夕暉  
鷗鷺相逢莫相妬一雙還拂楚煙歸

七言絕句

和孫明府懷舊山

唐雍陶

五柳先生本在山偶然為客落人間秋來見月多歸思  
自起開籠放白鵬

杏花白鵲

書艾  
宣畫

宋 蘓軾

天公剪刻為誰妍  
抱蕊遊蜂自作團  
把酒惜春都是夢  
不如閒客此間看

御定佩文齋詠物詩選卷四百三十九



欽定四庫全書

御定佩文齋詠物詩選卷四百四十

鸚鵡類

五言古

鸚鵡

唐  
李義府

牽弋辭重海  
觸網去層巒  
戢羽雕籠際  
延思彩霞端  
慕侶朝聲切  
離羣夜影寒  
能言殊可貴  
相助憶長安

鸚鵡聯句同王繼學賦

元  
馬祖常

雕籠居啄桃衽服儀采綠南荒孕靈質西顥發麗曲頸  
綬紅縈絲啄棘頰屈玉蓄慧婉含章裸彩祭成緝能言  
貫珠古善舞凌雲躅金眸肖鞬隼珍畜異巢鵠層塔寶  
舍利深杯注醺醪流丹曙林度墮翠春洲浴石鏡影培  
搃銅梁步陸續題賦吾豈能入貢爾應錄

七言古

賦鸚鵡送契世南廉使之海南

元納延

朱崖擅珍鳥鸚鵡獨專名滿庭榕葉春晝晴飛來却向  
花間鳴三月蠻江春水綠日斜還傍江頭浴弱羽翻風  
濕翠流水痕蹴浪珊瑚束間闕更作斷腸聲水流花落  
難為情烏臺使君午夢醒隔簾細雨春冥冥

五言律

同蔡孚起居詠鸚鵡

唐胡皓

鸚鵡殊姿致鸞鳳得比肩常循金殿裏每話玉階前賈  
誼才方達揚雄老未還能言既有地何惜為聞天

鸚鵡

唐杜甫

鸚鵡含愁思聰明憶別離翠衿渾短盡紅嘴漫多知未  
有開籠日空殘舊宿枝世人憐復損何用羽毛奇

鸚鵡

唐張祜

萬里去心違奇毛覺自非美人憐解語凡鳥畏多機未  
勝無丹嘴何勞事綠衣雕籠終不戀會向故山歸

鸚鵡

唐杜牧

華堂日漸高雕檻繫紅綃故國隴山樹美人金剪刀避

籠交翠尾罇嘴靜新毛不念三緘事世途皆爾曹

詠鸚鵡

唐裴說

常貴西山鳥銜恩在玉堂語傳明主意衣拂美人香緩步尋珠網高飛上畫梁長安頻道樂何日從君王

桃花鸚鵡

元揭傒斯

嶺外經年別花前得意飛客來呼每慣主愛食偏肥才子憐紅嘴佳人學綠衣狸奴亦可怕莫自戀芳菲

范司馬東溟先生憐僕羈孤客旅邀僕觀白鸚

鵲復飲之以美酒懷恩感意報之以詩

明 吳孺子

夫子憐漂泊相邀過草堂  
尊浮桑落酒鳥出雪衣娘  
石色寒侵戶苔香細入牀  
醉來如意舞容得舊疎狂

鸚鵡

明 馬守真

永日看鸚鵡金籠寄此生  
翠翎工刷羽朱喙善含聲  
隴樹歸還遠吳音教乍成  
雪衣吾惜汝長此伴閨情

七言律

雙鸚鵡

唐白居易

綠衣整頓雙棲起紅嘴分明對語時始覺琵琶絃莽鹵  
方知吉了舌參差鄭牛識字吾嘗歎丁鶴能歌爾亦知  
若稱白家鸚鵡鳥籠中兼合解吟詩

鸚鵡

白居易

隴西鸚鵡到江東養得今年嘴漸紅嘗恐思歸先剪翅  
每因餒食暫開籠人憐巧語情雖重鳥憶高飛意不同  
應似朱門歌舞妓深藏牢閉後房中

鸚鵡

唐殷文珪

丹喙如簧翠羽輕隨人呼物旋知名金籠夜黯山西夢  
玉枕曉憎簾外聲才子愛奇吟不足美人憐爾繡初成  
應緣我是邯鄲客相顧咬咬別有情

鸚鵡詠

唐羅鄴

玉檻瑤軒任所依東風休憶嶺頭歸金籠共惜好毛羽  
紅嘴莫教多是非便向郝堂誇飲啄還應禰筆發光輝  
乘時得路何須貴燕雀鸞鳳各有機



詠鸚鵡

明高岱

一入深籠損翠衣，隴雲秦樹事全非。  
月明萬里歸心切，花落千山舊侶稀。  
棲傍玉樓春晝永，夢回金鎖曙光微。  
翩翩海燕羣相趁，簾幕風高得意飛。

鸚鵡

明張維

憔悴君家歷歲年，翠襟蒙寵自須憐。  
能言肯信真如鳳，鈎喙應知不類鳶。  
千里雲山迷隴樹，幾回魂夢繞秦川。  
稻粱未必虛朝夕，直為樊籠一惘然。

五言絕句

見鸚鵡有赤色者遂賦

明 黃魯曾

珍翮丹砂耀瑰顛赤玉輝如能解羈紲還並日烏飛

七言絕句

赴北庭度隴思家

唐 岑 參

西向輪臺萬里餘也知鄉信日應疎隴山鸚鵡能言語  
為報家人數寄書

吳宮詞

唐 白居易

淡紅花帔淺檀蛾  
睡臉初開似剪波  
坐對朱籠間理曲  
琵琶鸚鵡語相和

宮詞

唐王涯

教來鸚鵡語初成  
久閉金籠慣認名  
總向春園看花去  
獨於深院喚人聲

漢宮詞

唐鮑溶

月映東窗似玉輪  
未央前殿絕聲塵  
宮槐花落西風起  
鸚鵡驚寒夜喚人

奉和鸚鵡

唐徐凝

毛羽曾經剪處殘  
學人言語道暄寒  
任教長被金籠闔  
也免棲飛雨雪難

夕

唐成彥雄

臺榭沈沈禁漏初  
麝煙紅蠟透蝦鬚  
雕籠鸚鵡將棲宿  
不許鴉鬟轉轆轤

鸚鵡

唐羅隱

莫恨雕籠翠羽殘  
江南地暖隴西寒  
勸君不用分明語

語得分明出轉難

宮詞

宋 花藥夫人

禁裏春濃蝶自飛  
御蠶眠處弄新絲  
碧窓盡日教鸚鵡  
念得君王數首詩

有懷遂長老

元 劉秉忠

堂上笙歌醉耳紅  
牡丹香散一簾風  
謝家鸚鵡金籠裏  
笑煞池邊綠繼翁

東家四時詞

元 虞集

摩挲舊賜碾龍團紫磨無聲玉井寒鸚鵡不知誰是客  
學人言語近闌干

灤京雜詠

元 楊允孚

仙娥隱約上簾鉤笑倚闌干出殿頭鸚鵡臨階呼萬歲  
白翎深院度清秋

西湖春日壯遊即事

元 馬臻

珍禽翠羽養雕籠列向船頭盡不同憐煞錦鸚偏解語  
喚人提挈避東風

緹禽

明 沈周

秦雲越樹路悠悠鎖掣金鈴百怨休  
中有能言綠衣鳥還呼萬歲一回頭

無題

明 屠隆

千年露液何曾釀五色霞衣不用裁  
小史調笙鋪席罷金籠鸚鵡報花開

萬厯五年春有獻五色鸚鵡者詔入之恭賦

明 沈明臣

日御文華說五經鳥言雖巧未曾聽長廊上苑東風裏  
寂寥無聲對畫屏

御定佩文齋詠物詩選卷四百四十



欽定四庫全書

御定佩文齋詠物詩選卷四百四十一

鸛鵒類

七言古

附長短句

寶觀主白鸛鵒歌

唐韋應物

鸛鵒鸛鵒衆皆如漆爾獨如玉鸛之鵒之衆皆蓬蒿下  
爾自三山來三山處子下人間綽約不妝冰雪顏仙鳥  
隨飛來掌上來掌上時拂拭人心鳥意自無猜玉指霜

毛與同色有時一去凌蒼蒼  
朝遊汗漫暮玉堂巫峽雨  
中飛暫濕杏花林裏過來香  
日夕依人全羽翼空欲銜  
環非報德豈不及阿母之家  
青雀兒漢宮來往傳消息

戲詠子舟畫兩竹兩鸚鵡

宋 蘇軾

風晴日暖搖雙竹  
竹間對語雙鸚鵡  
鸚鵡之肉不可食  
人生不才果為福  
子舟之筆利如錐  
千變萬化皆天機  
未知筆下鸚鵡語  
何似夢中蝴蝶飛

四禽圖

明 李東陽

鸚鵡色不如鸚鵡強向筵前學人語網羅西下隴山空  
毛羽雖佳不如汝鐵衣金甌雙雕楹世間無處無弓矰  
試聽內苑籠中語空誦彌陀六字名

七言絕句

鸚鵡育雛于貞節堂東壁壁高且危二雛墮砌  
下乃就而哺之悲鳴徬徨如在無人之境予  
憐之取雛納之巢紀以一絕

明  
陳憲章

將雛無力上椽題聲斷殘陽翅忽低高棟託身君亦誤  
鷓鴣安穩只卑棲

題畫

明  
僧德祥

鸚鵡多情語曉風惱他枝上白頭公分明一段江南思  
煙雨樓臺似夢中

御定佩文齋詠物詩選卷四百四十一

欽定四庫全書

御定佩文齋詠物詩選四百四十二

雀類

附黃雀

五言古

青雀

魏

劉楨

翩翩野青雀棲宿茨棘藩朝食平田粒夕飲玉池泉猥  
出蔚叢中乃至丹山巔

滄海雀

梁張率

大雀與黃口來自滄海區清晨啄原粒日夕依野株雖  
憂驚鳥擊長懷沸鼎虞况復隨時起翻飛不可拘寄言  
挾彈子莫賤隋侯珠

雀乳空井中

梁劉孝威

遠去條支國心知漢德休聊棲丞相府過今黃霸羞挾  
子須間地空井共尋求輓轡綵絕桔槔冬蘇周將憐  
羽翼張誰辭各背遊

詠雀

梁沈約

肌薄少滋腴色淺非丹翠不惧越王羞寧懷秦后珥傍  
簷葺寒草循塲啄餘穗且欣大厦成焉須鴻鵠志

詠雀

隋  
李孝貞

聽琴旋蔡子張羅避翟公夕宿寒林上朝飛空井中既  
並玄雲曲復變海魚風一報黃花惠還遊萬歲宮

空城雀

唐  
李白

嗷嗷空城雀身計何戚促本與鷦鷯羣不隨鳳凰族提  
攜四黃口飲乳未嘗足食君糠粃餘常恐烏鵲逐恥涉

太行險羞營覆車  
票天命有定端  
守分絕所欲

空城雀

唐孟郊

一雀入官倉所食寧損幾  
祇慮往復頻官倉終害爾  
魚網不在天鳥羅不張水  
飲啄要自然可以空城裏

義雀行和朱評事

唐賈島

玄鳥雄雌俱春雷驚蟄餘口銜  
黃河泥空即翔天隅一  
夕皆莫歸曉曉遺衆雛  
雙雀抱仁義哺食勞劬  
劬雛既迤邐飛雲間聲相呼  
燕感雀深恩雀媿揚不殊  
禽賢難



自彰幸得主人書

早起聞雀聲

明王問

朝聞寒雀喧薄暮亦來歸鳴啄自無患叢竹欣相依涼  
風吹衡宇明月照素帷寄傲北窓下太息往事非今茲  
已息交門外車馬稀慰我閒居夕歲寒良不違

空城雀

明僧宗泐

啾啾空城雀戀戀空城曲朝傍空城飛暮向空城宿草  
窠乳子成埽土翻身浴不隨鳳凰遊不畏鷹鷂逐野田

豈無黍太倉豈無粟食粟遭網羅食黍傷箭鏃丁寧黃  
口雛飲水懷止足歲晚雖苦飢全軀保微族

長短句

青雀歌

唐王維

青雀翅羽短未能遠食玉山禾猶勝黃雀爭上下唧唧  
空倉復若何

青雀歌

唐裴迪

動息自適性不曾妄與燕雀羣幸忝鸛鷺早相識何時

提攜致青雲

青雀歌

唐盧象

啾啾青雀兒飛來飛去仰天池  
逍遙飲啄安涯分何假  
扶搖九萬為

青雀歌

唐崔興宗

青鳬繞青林翩翩陋體一微禽  
不應長在藩籬下他日  
凌雲誰見心

題百雀圖

明汪應軫

百雀不如鳳胡為占琅玕朋雛碎語不可聽六月攪動  
清風寒我欲挾金彈巧避千萬端徘徊恐落一枝翠矯  
首待鳳棲闌干

五言律

詠雀

唐李嶠

大厦初成日嘉賓集杏梁銜書表周瑞入幕應王祥暮  
宿空城裏朝遊漣水傍願齊鴻鵠志希逐鳳凰翔

簷雀

唐楊發

弱羽怯孤飛投簷幸所依  
銜環惟報德賀厦本知歸  
紅  
紫休爭碩丹心自息機  
從來攀鳳翼終是戀光輝

五言排律

旌節亭瓦雀

明陳憲章

瓦雀喜亭棲丹青意自迷  
雨餘穿麗日花底啁香泥  
並語聲全碎追飛羽忽低  
悠悠去增繳款款戀棧題  
卵育非無地兒羣或引梯  
慣行書架上漸滿井闌西  
不羨雕籠養真堪畫卷攜  
由來親白首那更避青藜  
狎久如私

昵喧多類滑稽行藏非社燕飲啄混家雞度嶺千回歇  
排風幾寸躋冥鴻于汝輩滄海一涔蹄

七言律

龍雀

明王翺

曾入皇家大網羅樊籠久困意如何長于禁苑隨花柳  
無復郊原伴黍禾秋暮每驚歸夢遠春深空送好音多  
主恩未遂銜環報羽翮年來漸折磨

七言絕句

雀

宋李觀

繡戶珠簾見最頻  
暖來寒去但安身  
翟公門下時飛入  
全勝交情斗頃人

疎梅寒雀圖

元王惲

長記扁舟過武彞  
仙家梅竹滿清溪  
山禽盡日憐幽致  
爭揀寒枝趁晚棲

芳塘

元僧圓至

芳塘雨霽綠初肥  
折得青條串露歸  
一樹殘花喧閨雀

紅香滿徑撲人飛

贈劉七

明  
雷思霈

劉郎讀書王郎館  
酒到看花興到詩  
無事過余談竟日  
竹邊雙雀立多時

御定佩文齋詠物詩選卷四百四十二



欽定四庫全書

御定佩文齋詠物詩選卷四百四十三

畫翥類

七言絕句

畫翥鳥

宋  
歐陽修

百轉千聲隨意移  
山花紅紫樹高低  
始知鎖向金籠聽  
不及林間自在啼

畫翥禽

宋  
文同

盡日間窓坐好風一聲初聽下高籠  
公庭事簡人皆散  
如在千巖萬壑中

桃竹畫眉圖

元黃潛

說盡春愁貌不成翠深紅遠若為情  
江南有客頭空白  
腸斷東風百轉聲

白畫眉圖

元陳旅

隋家官妓掃長蛾銷盡波斯百斛螺  
化作雪禽春樹頂  
遠山無數奈愁何

杏花畫眉

明錢遜

紅杏花開好鳥啼  
章臺走馬未歸時  
螺青鈿合蛛絲滿  
誰畫春山八字眉

畫眉

明范言

寶髻蓬鬆錦帳垂  
曉晴慵起鬪花枝  
濃妝未必能承寵  
何事幽禽喚畫眉

御定佩文齋詠物詩選卷四百四十三

欽定四庫全書

御定佩文齋詠物詩選卷四百四十四

戴勝類

七言古

戴勝詞

唐王 建

戴勝誰與爾為名  
木中作窠牆上鳴  
聲聲催我急種穀  
人家向田不歸宿  
紫冠綵綵褐羽斑  
銜得蜻蜓飛過屋  
可憐白鷺滿綠池  
不如戴勝知天時

五言排律

織鳥

唐張何

季春三月裏戴勝下桑來  
映日華冠動迎風繡羽開  
候驚蠶事晚織向女工裁  
旅宿依花定輕飛遶樹迴  
欲過高閣柳更拂小庭梅  
所寄一枝在寧憂弋者猜

七言絕句

題戴勝

唐賈島

星點花冠道士衣  
紫陽宮女化身飛  
能傳上界春消息

若到蓬山莫放歸

春日田家

明 朱真游

屋後青山門外谿小橋遙接稻秧畦人家遠近蒼烟裏  
桑柘陰陰戴勝啼

戴勝

明 僧守仁

青林煖雨飽桑蟲勝羽離披濕翠紅亦有春思禁不得  
薜花枝上訴東風

御定佩文齋詠物詩選卷四百四十四



欽定四庫全書

御定佩文齋詠物詩選卷四百四十五

布穀類 報穀郭公同

長短句

禽言

明 馮惟敏

報穀報穀透犁好雨夜來足不愁田中惡草多但願年  
年風雨和夜來雨急風聲惡聞道邨南一尺電老翁歸  
來語老妻邨中報賽烹鳴鷄

五言絕句

郭公

宋 孔平仲

枉渚潮初落平岡日又西  
蘆叢深處泊惟有郭公啼

七言絕句

稼邨詩帖

宋 蔡襄

布穀聲中雨滿犁  
催耕不獨野人知  
荷鋤莫道春耘早  
正是披蓑叱犢時

山邨

宋 蘇軾

煙雨濛濛雞犬聲有生何處不安生但教黃犢無人佩  
布穀何勞也勸耕

暮春

宋陸游

辛夷海棠俱作塵  
鯢魚蓴菜亦嘗新  
一聲布穀便無說  
紅藥雖開不屬春

暮行田間

宋楊萬里

布穀聲中日脚收  
瘦藤伴我看西疇  
露珠走上青秧葉  
不到梢頭肯便休

寫興

明汪廣洋

謝豹花開滿嶺紅  
空濛小雨濕春叢  
看山不盡行人意  
處處東風啼郭公

御定佩文齋詠物詩選卷四百四十五

欽定四庫全書

御定佩文齋詠物詩選卷四百四十六

提壺類

長短句

提壺

宋梅堯臣

提壺蘆沽美酒風為賓樹為友  
山花撩亂目前開勸爾  
今朝千萬壽

七言律

早春聞提壺鳥因題鄰家

唐白居易

厭聽秋猿催下淚  
喜聞春鳥勸提壺  
誰家紅樹先花發  
何處青樓有酒沽  
進士粗豪尋淨盡  
拾遺風采近都無  
欲期明日東鄰醉  
變作騰騰一俗夫

五言絕句

提壺蘆

宋文同

花開已堪摘  
酒熟正好沽  
山禽會人意  
勸我提壺蘆

譙國嘲提壺

宋晁補之

何處提壺鳥荒園自叫春夕陽深樾裏持此勸何人

六言絕句

漫題

元蒲道源

花下提壺勸酒桑間布穀催耕甚欲晴天行樂却因春  
雨闌情

七言絕句

初入山間提壺鳥

宋王禹偁

遷客由來長合醉不煩幽鳥道提壺商州未是無人境

一路山邨有酒沽

花前獨酌

金姚孝錫

移得名花手自栽  
花知不為老人開  
興來誰是尊前客  
惟有提壺送酒杯

御定佩文齋詠物詩選卷四百四十六



欽定四庫全書

御定佩文齋詠物詩選卷四百四十七

啄木類

四言古

啄木詩

晉左芬

南山有鳥自名啄木  
飢則啄樹暮則巢宿  
無干于人惟志所欲  
性清者榮性濁者辱

五言古

啄木

明僧宗衍

啄木江南飛蠹蟲生上林江南亦有蠹不聞剥啄聲蠹種日以滋木病日以深啄木不啄蠹孰慰鳳凰心

長短句

啄木

晉傅玄

啄木高翔鳴喈喈飄搖林薄著桑槐緣樹間啄如錐嚶嚶嚶嚶聲正悲專為萬物作倡俳當此之時樂不可

迴

七言絕句

啄木謠

唐  
陳標

丁丁向晚急還稀  
啄徧庭槐未肯歸  
終日與君除蠹害  
莫嫌無事不頻飛

擬古宮詞

明  
朱讓栩

浙浙淒風匝鳳帷  
瑣窗那得見晴暉  
蘼纖微雨侵階濕  
喁喁橫空啄木飛

御定佩文齋詠物詩選卷四百四十七

欽定四庫全書

御定佩文齋詠物詩選卷四百四十八

鴛鴦類

四言古

贈秀才入軍

魏  
嵇康

鴛鴦于飛肅肅其羽朝遊高原夕宿蘭渚  
邕邕和鳴顧盼儔侶俯仰慷慨優游容與

酒會詩

嵇康

婉彼鴛鴦戢翼而遊俯啞綠藻託身洪流朝翔素瀨夕  
棲靈洲搖蕩清波與之沈浮

五言古

鴛鴦篇

唐陳子昂

飛飛鴛鴦鳥舉翼相蔽虧俱來綠潭裏共向白雲涯音  
容相眷戀羽翮兩逶迤蘋萍戲春渚霜霰遶寒池浦沙  
連岸淨汀樹拂潭垂年年此遊玩歲歲來追隨鳳凰起  
丹穴獨向梧桐枝鴻鴈來紫塞空憶稻梁肥烏啼倦永

夕鶴鳴傷別離豈若此雙禽飛翻不異林刷尾清江浦  
交頸紫山岑文章負奇色和鳴多好音聞有鴛鴦綺復  
有鴛鴦衾持爲美人贈勗此故交心

庭下養三鴛鴦忽去不返戲爲此詩

金  
宇文虛中

先生久忘機爲爾虞矰繳一朝長羽翮萬里翔寥廓誰  
信惡溝鳴忽作華表鶴豈無三玉環遺音嗣黃雀

題畫

明  
張  
紳

高樹漏疎雨滴瀝下銀塘美人捲簾坐金鴨自添香風  
吹綠荷葉正見宿鴛鴦

鴛鴦曲

明陸師道

雙鴛並雙翼雙宿復雙飛清漣動雙浴明月照雙歸雙  
浦沈雙影雙花拂雙頸眠沙雙夢同渡渚雙心警雙去  
雙來處雙遊雙戲時雙起隨雙鷺雙立視雙魚雙舟舉  
雙槳雙蓮礙雙榜應有無雙人願逐雙鴛往

七言律



和友人鴛鴦之什

唐崔珏

翠鬢紅毛舞落暉  
水禽情似此禽稀  
暫分煙島猶回首  
只渡寒塘亦並飛  
映霧乍迷金殿瓦  
逐梭齊上玉人機  
採蓮無限蘭橈女  
笑指中流羨爾歸

其二

寂寂春塘煙晚時  
兩心如影共依依  
谿頭日煖眠沙穩  
渡口風寒浴浪稀  
翡翠莫誇饒彩飾  
鸕鶿須羨好毛衣  
蘭深芷密無人見  
相逐相呼何處歸

鴛鴦

唐羅鄴

江雲碧靜瑞煙開錦翅雙飛去又迴一種鳥憐名字好  
祇緣人恨別離來煖依牛渚汀莎媚夕宿龍池禁漏催  
相對若教春女見便須攜向鳳凰臺

鴛鴦

唐皮日休

鈿鍍雕鏤費深功舞妓衣邊繡莫窮無日不來湘渚上  
有時還在鏡湖中煙濃共拂芭蕉雨浪細雙游菡萏風  
應笑豪家鸚鵡伴年年徒被鎖金籠

五言絕句

江南曲

唐 儲光義

逐流牽荇葉，緣岸摘蘆苗。  
爲惜鴛鴦鳥，輕輕動畫橈。

吳子夜四時歌

元 楊維禎

睡起珊瑚枕，微風度簾廊。  
芙蓉最高葉，翻水洗鴛鴦。

蓮塘曲

明 劉基

落日下蓮塘，輕舟赴晚涼。  
偶然花片落，飛出兩鴛鴦。

鴛鴦

明 高啓

兩兩蓮池上看如在錦機應知越女妒不敢近船飛

塘上行

明李德

露濕藕花香花折藕絲長豈無鳬與鴈不似錦鴛鴦

採蓮曲

明常倫

棹發千花動風傳一水香傍人持並蒂含笑打鴛鴦

采菱曲

明金鑾

采菱秋水旁驚起雙鴛鴦獨自唱歌去風吹荇帶長

題畫

明李衮

涓涓石瀨鳴兩兩江鴛語迴谿無人來桃花照春渚

子夜歌

明董少玉

涼風吹北窗槐陰深幾許帶露摘荷花笑共鴛鴦語

七言絕句

野望

唐羊士諤

萋萋麥壠杏花風好是行春野望中日暮不辭停五馬  
鴛鴦飛去綠江空

南塘

唐鮑溶

南塘旅舍秋淺清夜深綠蘋風不生蓮花受露重如睡  
斜月起動鴛鴦聲

華下

唐司空圖

關外風昏欲雨天薺花耕倒枕河壩邨南寂寞時回望  
一隻鴛鴦下渡船

鴛鴦

唐吉師老

江島濛濛煙靄微綠蕪深處刷毛衣渡頭驚起一雙去  
飛上文君舊錦機

荊谿夜泊

唐 李九齡

點點漁燈照浪清  
水煙疏碧月朧明  
小灘驚起鴛鴦處  
一隻采蓮船過聲

春雨

宋 徐璣

柳著輕黃欲染衣  
汀沙漠漠草菲菲  
晚風吹斷寒烟碧  
無數鴛鴦谿上飛

逢江易藝芳干賦芳洲

元 歐陽元

楊柳垂垂拂釣磯  
平沙雨過綠生衣  
王孫鬪草歸來晚

撲漉鴛鴦帶水飛

絕句

明王立中

春波橋頭柳似煙  
越王城郭在西邊  
我家遶屋皆春水  
盡日鴛鴦隨釣船

題吳王納涼圖

明袁凱

微月斜侵響屨廊  
芙蓉清氣滿金塘  
鴛鴦只傍闌干宿  
也愛君王水殿涼

夏日憶西湖

明于謙



湧金門外柳如煙西子湖頭水拍天  
玉腕羅裙雙蕩槳  
鴛鴦飛近采蓮船

四時詞

夏

明陸釵

柳花臺榭汗銷香荷葉池塘起晚涼  
十里翠萍魚點破  
軟沙深處見鴛鴦

孟夏行田雜歌

明朱曰藩

田田荷葉太湖西千隊鴛鴦掠水低  
却似吳娘機上見  
綠羅初簫錦茸齊

宮詞

明王叔承

氤氲水殿蕩朝陽  
夜漲桃花錦水香  
珍鳥千行看不禁  
自將金彈打鴛鴦

御定佩文齋詠物詩選卷四百四十八

欽定四庫全書

御定佩文齋詠物詩選卷四百四十九

鷓鴣類

五言古

詠鷓鴣

齊謝朓

蕙草含初芳  
瑤池曖晚色  
得廁鴻鸞影  
晞光弄羽翼

詠飛來鷓鴣

梁簡文帝

飛從何處來  
似出上林隈  
口銜長生葉  
翅染昆明苔

長短句

憶西湖雙鷗鷺

唐李紳

雙鷗鷺錦毛爛斑長比翼戲繞蓮葉迴錦臆照灼花叢  
兩相得漁歌驚起飛南北繚繞追隨不迷惑雲間上下  
同棲息不作驚禽遠相憶東家少婦機中語剪斷迴文  
泣機杼徒嗟孔雀銜毛羽一去東南別離苦五里徘徊  
竟何補

五言律

鷓鴣

唐杜甫

故使籠寬織須知動損毛看雲莫悵望失水任呼號六  
翻曾經剪孤飛只未高且無鷹隼慮雷滯莫辭勞

鷓鴣

唐許渾

池寒柳復凋獨宿夜迢迢雨頂冠應冷風毛劒欲飄故  
巢迷碧水舊侶越丹霄不是無歸處心高多寂寥

鷓鴣

唐李中

流品是鴛鴦翻飛雲水鄉風高離極浦煙冥下方塘比

鷺行藏別穿荷羽翼香雙雙浴輕浪誰見在瀟湘

七言律

鷓鴣

唐  
唐彥謙

一宿南塘煙雨時好風搖動綠波微  
驚離曉岸衝花去  
煖下春汀照影飛  
華屋撚絃彈鼓舞綺窗含筆澹毛衣  
畫屏見後長回首爭得雕籠莫放歸

七言絕句

答顧況

唐  
包佶

於越城邊楓葉高  
楚人書裏寄離騷  
寒江鷺鷥思儔侶  
歲歲臨流刷羽毛

鷺鷥

唐李羣玉

錦羽相呼暮沙曲  
波上雙聲戛哀玉  
霞明川靜極望中  
一時飛滅青山綠

南莊春晚

李羣玉

連雲草映一條陂  
鷺鷥雙雙帶水飛  
南邨小路桃花落  
細雨斜風獨自歸

玩金鵝鵝戲贈裴美

唐陸龜蒙

曾向谿邊泊暮雲至今猶憶浪花群不知鏤羽凝香霧  
堪與鴛鴦覺後聞

和陸魯望玩金鵝鵝戲贈

唐皮日休

鏤羽彫毛迴出羣溫磨飄出麝臍薰夜來曾吐紅茵畔  
猶是谿邊睡不聞

玩金鵝鵝

唐張賁

翠羽紅襟鏤彩雲雙飛常笑白鷗羣誰憐化作雕金質



從倩沈檀十里間

題馬賁畫鷓鴣圖


金 党懷英

雙眠雙浴水平谿共看秋光卧兩堤誰信瀟湘有孤鴈  
冷沙寒葦不成棲

竹杏沙頭鷓鴣

元 虞集

蛺蝶飛來石竹叢羅襦曾試繡紋重荷花啼鳥銀屏暖  
卧看窗間唾碧茸



御定佩文齋詠物詩選卷四百四十九

# 欽定四庫全書

集部

御定佩文齋詠物詩選卷四百

五十至  
五十五

詳校官侍郎臣李紱

主事銜臣徐以坤覆勘

總校官檢討臣何思鈞

校對官中書臣高 中

謄錄監生臣 楚惟榮

欽定四庫全書

御定佩文齋詠物詩選卷四百五十

鷓鴣類

五言律

鷓鴣

唐杜牧

芝莖抽紺趾清唳擲金梭日翅閒張錦風池去冒羅靜  
眠依翠荇煖戲折高荷山陰豈無爾繭字換羣鴛

七言律

鵓鵲

唐陸龜蒙

詞賦曾誇鵓鵲流果為名誤別滄洲雖蒙靜置疎籠晚  
不似閒棲折葦秋自昔稻梁高鳥畏至今珪組野人讎  
防微避繳無窮事好與裁書謝白鷗

五言絕句

池塘晚景

唐李羣玉

風荷珠露傾驚起睡鵓鵲月落池塘靜金刀剪一聲

七言絕句

酬答

唐李賀

雍州二月梅池春  
御水鵲鵲暖白蘋  
試問酒旗歌板地  
今朝誰是拗花人

春隄曲

唐張籍

野塘鵲鵲飛樹頭  
綠蒲紫菱葢碧流  
狂客誰家愛雲水  
日日獨來城下遊

浪淘沙

唐皇甫松

蠻歌豈惹北人愁  
松雨蒲風野艇秋  
浪起鵲鵲眠不得

寒沙細細入江流

池上作

宋林逋

簇簇菰蒲映蓼花  
水痕天影蘸秋霞  
分明似箇屏風上  
飛起鷓鴣一道斜

雜詩

金王礪

竹遶沙邨水漫流  
鷓鴣鷓鴣對沈浮  
一竿便擬從漁父  
卷置琴書買釣舟

謾成

元馬臻

新霜尚薄樹聲乾寒水無痕倒浸山  
知是釣船歸較晚  
鵝鵲嘎嘎起蘆灣

松陵舟中遲錢受之太史

明 范 汭

幾家閒夜停機杼  
支枕篷窗風許許  
吹盡蘋香不見人  
繞塘寒月鵝鵲語

秋夜集石湖分得粧字

明 王 微

雲罨湖山遠樹蒼  
鵝鵲飛破藕塘香  
月明處處添秋色  
一束芙蓉正洗粧



御定四庫全書

御定佩文齋詠物詩選  
卷四百五十

三

御定佩文齋詠物詩選卷四百五十

欽定四庫全書

御定佩文齋詠物詩選卷四百五十一

鷗類

五言古

古風

唐李白

搖裔雙白鷗鳴飛滄江流  
宜與海人狎豈伊雲鶴儔  
寄形宿沙月沿芳戲春洲  
吾亦洗心者忘機從爾遊

七言古

附長短句

弄白鷗歌

唐劉長卿

泛泛江上鷗，毛衣皓如雪。朝飛瀟湘水，夜宿洞庭月。洞庭歸客正夷猶，愛此滄江閒白鷗。

賦得白鷗歌送李伯康歸使

唐盧綸

積水深源白鷗翻，倒影光素於潭之間。銜魚魚落亂，驚鳴爭撲蓮。叢蓮葉傾爾不見波，中鷗鳥閒無營何必汲汲勞其生。柳花冥濛大隄口，悠揚相和乍無有。輕隨去浪杳不分，細舞清風亦何有。似君換得白鷺時，獨凭

欄杆雪滿池今日還同看鷗鳥如何羽翮復參差復參  
差海濤瀾漫何由期

題白鷺洲江鷗送陳君

宋 徐 鉉

白鷺洲邊江路斜輕鷗接翼滿平沙吾徒來送遠行客  
停舟為爾長歎息酒旗漁艇兩無猜月影蘆花鎮相得  
離筵一曲怨復清滿座銷魂鳥不驚人生不及魚禽樂  
安用虛名上麟閣同心攜手今如此金鼎丹砂何寂寞  
天涯後會渺難期從此又應添白髭願君不忘分飛處

長保翩翩潔白姿

述鷗

宋孔平仲

水濱老父忘機關醉眠古石紅蕖間綠波蕩漾意不動  
白雲往來心與閒有鷗素熟翁如此命侶呼儔就翁喜  
相親飲啄少畏避自浮自沈不驚起漁人窺之即謀取  
手攜羅網來翁所羣鷗瞥見皆遠逝千里翩翩一回顧  
鷗不薄翁勿疑避禍未萌真見機漁人羅網不在側敢  
辭旦夕從翁嬉

五言律

鷗

唐杜甫

江浦寒鷗戲無他亦自饒却思翻玉羽隨意點春苗雪  
暗還須浴風生一任飄幾羣滄海上清影日蕭蕭

贈沙鷗

唐白居易

老逼教垂白官科遣著緋形骸雖有累方寸却無機遇  
酒多先醉逢山愛晚歸沙鷗不知我猶避隼旗飛

盟鷗軒

明僧妙聲

客有忘機者開軒命白鷗同心如此水有約共滄洲爾  
性何其靜吾生亦若浮自今期歲晚風雨亦相求

七言律

白鷗

唐陸龜蒙

慣向谿頭漾淺沙薄煙微雨是生涯時時失伴沈山影  
往往爭飛雜浪花晚樹清涼還鷓鴣舊巢零落寄蕪葭  
池塘信美應難戀針在魚脣劍在鰕

和魯望白鷗

唐皮日休

雪羽離襟半惹泥海雲深處舊巢迷池無飛浪爭教舞  
洲少輕沙若遣棲煙外失羣慙鴈驚波中得志羨鳬鷺  
主人恩重真難遇莫為心孤憶舊谿

狎鷗亭

宋韓琦

危亭初起俯清潯只得當軒幾醉吟一日鄉園傷驟別  
四年宮闕動歸心簷前好竹今成篠陂下修鱗舊種針  
鷗識再來猶不懼向人馴狎似家禽

橫塘春泛

明王世懋



吳姬小館碧紗窗十里飛花點玉缸  
蠟屐去尋芳草路青絲畱醉木蘭艫  
山連暮靄迷前浦雲擁春流入遠江  
棹裏橫塘聽一曲煙波起處白鷗雙

五言絕句

戲鷗

唐錢起

乍依菱蔓聚盡向蘆花減更喜好風來  
數片翻晴雪

寄淮上柳十三

唐顧況

菴蕭中闕戶相映綠淮流莫訝春潮闊  
鷗邊可泊舟

江鷗

唐崔道融

白鳥波上棲見人懶飛起為有求魚心不是戀江水

過谿亭

宋文同

小約過清谿有亭纔四柱地僻少人行翩翩下鷗鷺

吉水夜泊

宋真山民

入夜始維舟黃蘆古渡頭眠鷗知讓客飛過蓼花洲

孫氏午溝橋亭

金王庭筠

閒來橋北行偶過橋南去寂寞獨歸時沙鷗晚無數

朱澤民山水

元鄭元祐

吹簫江浦秋舟蕩碧雲幽擬遡巖松下詩盟訂白鷗

六言絕句

題畫

明徐有貞

山下雲連山上谿西水接谿東舟渡白鷗飛處人行綠  
樹陰中

七言絕句

夔州歌

唐杜甫

東屯稻畦一百頃北有澗水通青苗晴浴狎鷗分處處  
雨隨神女下朝朝

閒思

唐戴叔倫

伯勞東去鶴西還雲總無心亦度山何似嚴陵灘上客  
一竿長伴白鷗閒

壽安水館

唐薛能

地接山林兼有石天懸星月更無雲鷺鷥上樹滿池水  
澆澗一聲中夜聞

馬當呼鷗不至偶成呈同行諸官

宋 余靖

昔年曾泛馬當灣  
團飯喚鷗篙楫間  
今日江頭飛不下  
應知人世足機關

觀魚亭呈陳公度

宋 張耒

獵獵微風波面開  
近人鷗鷺不相猜  
尊前忽起扁舟興  
新管江南山水來

三山次鄭德宇韻

宋 朱棣

何日歸舟片葉輕  
白鷗相伴艚微鳴  
只應潮打蓬窗處  
已作離騷一半清

夢回

宋 林景熙

夢回荒館月籠秋  
何處砧聲喚客愁  
深夜無風蓮葉響  
水寒更有未眠鷗

淮上

宋 僧道潛

天闊陰雲低抱樹  
沙寒鷗鷺欲親人  
小航泊處誰家住  
修竹疎花宛似春

宮詞

宋 花藥夫人

內人追逐採蓮時  
驚起沙鷗兩岸飛  
蘭棹把來齊拍水  
並船相鬪濕羅衣

題均福堂

金 郝 侯

憧憧車馬競春遊  
不見谿堂五月秋  
卧聽雲濤春午枕  
夢隨鷗鳥落沙洲

過關渡水圖

金 劉 迎

短車無復駕青牛  
散策方來對白鷗  
煙水從容許君獨

暫須分我一船秋

襄陽絕句

金王元粹

江上小兒誇善沒一日入水知幾回  
汝曹未有機心在緣底鷗鳥不飛來

舟中偶成

元貢奎

稻花水落正魚肥湖上孤雲帶雨歸  
林影倒涵波鏡動白鷗低傍釣船飛

送人

元楊載



金溝河上始通流  
海子橋邊繫客舟  
却到江南春水漲  
拍天波浪泛輕鷗

海鷗

元 宋 元

羣飛獨宿水中央  
逐浪隨波羽半傷  
莫去西湖花裏睡  
芰荷翻雨打鴛鴦

漫成

元 馬 臻

北風小雨戒新寒  
隔水楓林葉已丹  
莫道閒門知己少  
白鷗飛去又飛還

題畫

明周砥

水濶天低欲盡頭  
柳花如雪暗歸舟  
平生解識滄洲趣  
何處飛來雙白鷗

觀沙鷗

明袁凱

門外羣鷗我所知  
終朝相見不相離  
借爾橋東楊柳岸  
明年春日更添兒

江上寄嚴八

袁凱

一春不見嚴夫子  
底事城中不肯還  
門外白鷗三萬箇

幾時相對綠波閒

題畫

明王直

綠樹青山帶晚霞  
樹間處處有人家  
孤舟最愛滄浪客  
得共眠鷗占淺沙

題沈恒吉畫扇

明陳寬

紅樹丹山領去舟  
蘋花香老不勝秋  
滄江風月誰人管  
且向前汀問白鷗

送沈彥修

明丁岳

江上秋風吹客衣  
江邊把酒對斜暉  
江鷗不解離人意  
故作三三兩兩飛

夜泊闔閭城

明孫一元

欲行未行風力柔  
吳門挂席夜正幽  
秋水半汀鷗共我  
好山兩岸月隨舟

漫興

明施漸

門外清渠映葛衣  
偶來觀物上漁磯  
秋風蘋末鷗驚起  
始悟山人未息機

金山吞海亭

明許相卿

江面峰頭巧著亭，澄波玉宇兩爭清。  
倚闌客子心如水，何事沙鷗亦浪驚。

江上雜詠

明尹嘉賓

杏花淡淡柳絲絲，畫舸春江聽雨時。  
漸捲鶴洲江色紫，沙鷗睡著不曾知。

題畫

明僧德祥

碧柳絲絲拂釣舟，溶溶水面一羣鷗。  
不知誰在茅堂住，

坐看青山到白頭

御定佩文齋詠物詩選卷四百五十一

欽定四庫全書

御定佩文齋詠物詩選卷四百五十二

鷺類

五言古

朱鷺

梁  
王僧孺

因風弄玉水映日上金隄猶持畏羅繳未得異鳬鷺聞  
君愛白雉兼因重碧雞未能聲似鳳聊變色如珪願識  
昆明路乘流飲復棲



朱鷺

陳張正見

金隄有朱鷺刷羽望滄瀛周詩振雅曲漢鼓發奇聲時  
將赤鴈並乍逐綵鸞行別有翻潮處異色不相驚

朱鷺

陳蘇子卿

玉山一朱鷺萬里入玉巖欲向天池飲還繞上林飛金  
隄曬羽翮丹水浴毛衣非貪葭下食懷恩自遠歸

白鷺

唐劉長卿

亭亭常獨立川上時延頸秋水寒白毛夕陽弔孤影幽

姿閒自媚逸翮思一騁如有長風吹青雲在俄頃

舟中雜詠

元表楠

鷺鷥漾晴空意態極楚楚翻風蒼雪迴轉日爛銀舞盤  
旋傲孤鴻清遠敵凡羽須臾下魚陂媿我覺疾去

九鷺圖

元傳若金

鮮鮮白鷺羽振振清江溼露草寒已衰風蘆近相蔽飛  
鳴各自適離居亦有次雖愜江海情終懷雲霄志君子  
思有則畫者工取譬儀羽庶可希修潔誠所貴

題尚仲良畫鷺卷

明 張以寧

滄江雨疎疎翻飛一春鋤老樹如人立欲下意躊躇明  
年柳條長遮汝行捕魚

七言古

附長短句

白鷺

唐 劉禹錫

白鷺兒最高格毛衣新成雪不敵衆禽喧呼獨凝寂孤  
眠芊芊草久立潺潺石前山正無雲飛去入遙碧

題九鷺圖

明 蕭 鎡

宣德年間邊景昭彩色翎毛稱獨步近時林良用水墨  
落筆往往皆天趣鴛鴦鳬鴈清谿流寒鴉古木長林幽  
等閒得意即揮灑一掃萬里江南秋此圖九鷺真奇絕  
散立清煙乍明滅日長坐久看轉親飄來點點青天雪  
翱翔霄漢殊不驚欲下未下渾有情潛蹤獨趣水邊食  
延頸忽向蘆中鳴吁嗟林生精藝有如此座客見之誰  
不喜洞庭湘渚在眼前暝色慘澹涼飈起方今聖主覃  
恩波四海山澤無虞羅悠悠羣鷺各自適雖有鷹鷂奈

爾何

五言律

附小律

白鷺詠

唐

李端

迴起來應近高飛去自遙映林同落雪拂水狀翻潮猶有幽人興相逢到碧霄

鷺鷥

唐

張祜

深窺思不窮揭趾淺沙中一點山光淨孤飛潭影空暗棲松葉露雙下蓼花風好是滄波侶垂絲趣亦同

鷺

唐裴說

秋江清淺時魚過亦頻窺却為分明極翻成所得遲浴  
偎紅日色棲壓碧蘆枝會共鴈同侶翔翔應可期

鷺鷥

宋徐照

一點白如雪頂黏絲數莖沙邊行有跡空外過無聲高  
柳巢方穩危灘立不驚每看閒意思漁父是前生

正陽城樓西角二鷺巢焉

明皇甫汈

並負青雲翼來耽紫閣棲攀龍窺殿北隨雉卧城西顧

影依霜潔鳴儔候月迷振雖殊可詠聊此謝塵泥

題宣廟御筆汀鷺應制

明 于慎行

筆端成大造海鳥若相忘暮雨汀莎濕春風岸芷香柳  
邊迷落絮雲裏帶飛霜總為經天藻長畱羽翰光

五言排律

省試振鷺

唐 李 頻

有鳥生江浦霜華作羽翰君臣將比潔朝野用為歡月  
影林梢下冰光水際殘飛翻時共樂飲啄道皆安迴翥

宜高詠羣棲入靜看由來鵲鷺侶濟濟列十官

七言律

崔卿雙白鷺

唐  
顧非熊

朝客高情愛水禽綠波雙鷺在園林立當風裏絲搖急  
步繞池邊字印深刷羽競生堪畫勢依泉各有取魚心  
我卿多傍門前見坐覺恩波思不禁

崔卿池上雙白鷺

唐  
賈島

鷺雛相逐出深籠頂各有絲莖數同灑石多霜移足冷



隔城遠樹挂巢空其如盡在灘聲外何似雙飛浦色中  
見此池塘卿自鑿清冷太液底潛通

詠雙白鷺

唐 雍 陶

雙鷺應憐水滿池風飄不動頂絲垂立當青草人先見  
行傍白蓮魚未知一足獨拳寒雨裏數聲相叫早秋時  
林塘得爾須增價況是詩家物色宜

親仁里雙鷺

唐 許 棠

雙去雙來日已頻只應知我是江人對歌雪頂思尋水

更振霜翎恐染塵三楚幾時初失侶五陵何樹又棲身  
天然不與凡禽類傍砌聽吟性自馴

鷺鷥

唐  
劉象

潔白孤高生不同頂絲清軟冷搖風窺魚翹立荷香裏  
慕侶低翻柳影中幾日下巢辭紫閣多時凝日向晴空  
摩霄志在潛修羽會接鸞凰到葦叢

雙鷺

唐  
徐夔

雙鷺雕籠昨夜開月明飛出立庭隈但教綠水池塘在

自有碧天鴻鴈來清韻叫霜歸島樹素翎遺雪落漁臺  
何人爲我追尋得重勸谿翁酒一杯

馴鷺

元張雨

孑然馴鷺雪霜明下瀨求魚自在行碧玉燈檠雙足瘦  
白麻衣袂一身輕海鷗見事應何晚凡鳥題門也不情  
輸我鵝行舊儔侶舉頭寥廓總雲程

五言絕句

白鷺鷥

唐李白

白鷺下秋水孤飛如墜霜心閒且未去獨立沙洲傍

賦得白鷺鷥送宋少府入三峽 李白

白鷺拳一足月明秋水寒人驚遠飛去直向使君難

晚歸鷺

唐錢起

池上靜難厭雲間欲去晚忽背夕陽飛刺與清風遠

江行

錢起

月下江流靜邨荒人語稀鷺鷥雖有伴仍共影雙飛

白鷺

唐李嘉祐

江南綠水多顧影逗輕波終日秦雲裏山高奈若何

沙上鷺

唐張文姬

沙頭一水禽鼓翼揚清音只待高風便非無雲漢心

崔白畫荷葦寒鷺

宋文同

疎葦雨中老亂荷霜外凋多情惟白鳥常此伴蕭條

題秋塘圖

元陳深

水落秋菰老夕寒煙樹微絕憐雙白鷺飛去似知幾

過高郵射陽湖雜詠

元薩都拉

白鷺愛秋水獨立仍自行得魚固偶爾鷺飛亦常情

鷺

元 吳師道

振振風生柳沾沾雪點磯白攢秋水立青映暮天飛

出郊

明 楊慎

高田如樓梯平田如碁局白鷺忽飛來點破秧針綠

湘江絕句

明 王鏊

同舟白衣人雪色何氤氲忽有飛來者方知是鷺羣

六言絕句

鷺鷥

宋文同

避雨竹間點點迎風柳下翩翩靜依寒蓼如畫獨立晴沙可憐

再贈鷺鷥

文同

頸若瓊鉤淺曲散如碧管深翹湖上水禽無數其誰似汝風標

七言絕句

漫成一絕

唐杜甫

江月去人只數尺風燈照夜欲三更沙頭宿鷺聯拳靜  
船尾跳魚撥刺鳴

長安縣後庭看畫

唐王 建

水凍橋橫冰滿池新排石笋繞芭籬縣門斜掩無人到  
看畫雙雙白鷺鷥

箬峴東池

唐白居易

箬峴亭東有小池早荷新荇綠參差中宵把火行人發  
驚起雙棲白鷺鷥



鷺鷥

唐 盧仝

刻成片玉白鷺鷥欲捉纖鱗心自急翹足沙頭不得時  
傍人不知謂閒立

鷺鷥

唐 杜牧

雪衣雪髮青玉觜羣捕魚兒谿影中驚飛遠映碧山去  
一樹梨花落晚風

鷺鷥

唐 許渾

西風淡淡水悠悠雪點絲飄帶雨愁何事歸心倚前閣

綠蒲紅蓼練塘秋

白鷺

唐  
陸龜蒙

雪然飛下立蒼苔  
應伴江鷗拒我來  
見欲扁舟搖蕩去  
倩君先作水雲媒

鷺鷥

唐  
來鵬

裊絲翹足傍澄瀾  
消盡年光佇思間  
若使見魚無羨意  
向人姿態更應閒

鷺鷥障子

唐  
張喬

剪得機中如雪素畫爲江上帶絲禽間來相對茅堂下  
引出煙波萬里心

鷺鷥

唐 鄭 谷

閒立春塘煙淡淡靜眠寒葦雨颼颼漁翁歸後沙汀晚  
飛上灘頭更自由

失鷺鷥

鄭 谷

野格由來倦小池驚風却下碧江涯月昏風急宿何處  
秋岸蕭蕭黃葦枝

放鷺鷥

唐李中

池塘多謝久淹留  
長得霜翎放自由  
好去蒹葭深處宿  
月明應認舊江秋

鷺鷥

唐羅隱

斜陽淡淡柳陰陰  
風裊寒絲映水深  
不要向人誇潔白  
也知常有羨魚心

田家

宋張耒

新插茅檐紅槿籬  
秋深黃葉已飛飛  
灘頭水闊孤舟去

渡口風寒白鷺歸

羅江

宋 陳與義

山翁見客亦欣然好語重重意不傳  
行過竹籬逢細雨  
眼明雙鷺立青田

題秋鷺圖

宋 范成大

昨夜新霜冷釣磯綠荷消瘦碧蘆肥  
一江秋色無人問  
盡屬風標雨雪衣

城頭秋望

宋 楊萬里

未得霜晴未是晴  
霜晴無復點雲生  
鷺鷥不遣魚鷺散  
移脚惟愁水作聲

壕上書事

楊萬里

十里長壕展碧漪  
波痕只去不曾歸  
鷺鷥已飽渾無幹  
獨立朝陽理雪衣

晨炊玉田觀鷺

楊萬里

清谿欲下影先翻  
隻鷺還將雙鷺看  
綠玉脰長聊試淺  
素瓊裳冷不禁寒

秋日西湖

宋僧道潛

飛來雙鷺落寒汀秋水無痕玉鏡清  
疎蓼黃蘆宜掩映沙邊危立太分明

古詩云蘆花白蓼花紅一日秋江慘澹中  
兩箇鷺鷥相對立幾人喚作水屏風  
然其理可取而其詞鄙野余爲改之曰換骨法

宋僧惠洪

蘆花蓼花能白紅數曲秋江慘澹中  
好是飛來雙白鷺

為誰粧點水屏風

閱見

金邊元鼎

輕蓮素質淡蕭蕭  
葉密谿深未可招  
雨暗蘭舟人去後  
却容白鷺逞風標

遊南城

金李好復

園林晴晝蔚如煙  
林外支流盡水田  
落日趨墟人已散  
鷺鷥飛上渡頭船

鷺

元馬臻



水風吹冷逼荻蒲藕葉欹斜一半枯  
玉立鷺鷥渾不動  
滿身煙雨看西湖

正月十九日

明 鍾 崧

金魚洲下放船開  
華石潭邊看雨來  
愛殺南天雙白鷺  
青山盡處却飛回

秋塘

明 鐫師邵

煙水微茫漾遠愁  
采菱歌斷夕陽收  
鷺鷥不省紅衣老  
猶戀銀塘十里秋

題畫

明

僧智舷

數株老樹半無葉一箇茅亭終日空惟有鷺鷥常到此  
飛來飛去送殘紅

御定佩文齋詠物詩選卷四百五十二

欽定四庫全書

御定佩文齋詠物詩選卷四百五十三

百舌類

五言古

侍宴詠反舌

梁沈約

假容不足觀遺音猶可薦  
幸蒙喬樹恩得以聞高殿

詠百舌

梁劉孝綽

山人惜春暮旭旦坐花林  
復值懷春鳥枝間弄好音  
遷

喬聲迴出赴谷響幽深下聽長而短時聞絕復尋孤鳴  
若無對百轉似羣吟昔聞屢歡昔今聽忽悲今聽聞非  
殊異遲暮獨傷心

聽百舌

梁劉令嫺

庭樹旦新晴臨鏡出雕楹風吹桃李氣過傳春鳥聲淨  
寫山陽笛全作洛濱笙注意欲畱聽誤令粧不成

長安聽百舌

陳韋鼎

萬里風煙異一鳥忽相驚那能對遠客還作故鄉聲

聽百舌鳥

隋  
李孝貞

煙銷上路靜，漏盡禁門通。  
好鳥從西苑，流響入南宮。  
關既多緒變，轉復無窮調。  
驚時斷絕音，繁有異同飲。  
啄歸承露飛，鳴上別風未。  
避王孫彈，寧畏虎賁弓。  
石渠皆學府，麟閣悉文雄。  
不恡青泥印，時尋白社中。

七言古

百舌吟

唐  
劉禹錫

曉星寥落春雲低，初聞百舌間關啼。  
花樹滿空迷處所，

搖動繁英隆紅雨笙簧百轉音韻多黃鸝吞聲燕無語  
東方朝日遲遲升迎風弄影如自矜數聲不盡又飛去  
何許相逢綠楊路繇蠻婉轉似娛人一心百舌何紛紛  
酡顏俠少停歌聽墮珥妖姬和睡聞可憐光景何時盡  
誰能低回避鷹隼廷尉張羅自不關潘郎挾彈無情損  
天生羽族爾何微古端萬變乘春暉南方朱鳥一朝見  
索莫無言高下飛

五言排律

徐州試反舌無聲

唐張籍

夏木多好鳥偏知反舌名  
林幽仍共宿時過即無聲  
竹外天空曉谿頭雨自晴  
居人宜寂寞深院益淒清  
入霧暗相失當風間易驚  
來年上林苑知爾最先鳴

七言律

聽百舌鳥

唐王維

上蘭門外草萋萋  
未央宮中花裏棲  
亦有相隨過御苑  
不知若箇向金隄  
入春解作千般語  
拂曙能先百鳥啼



萬戶千門應覺曉建章何必聽鳴雞

賦百舌鳥

唐嚴郾

此禽輕巧少同倫我聽長疑舌滿身星未沒河先報曉  
柳猶粘雪便迎春頻嫌海燕巢難定却訝林鶯語不真  
莫倚春風便多事玉樓還有晏眠人

竹間聽反舌鳥

明僧慧秀

細靄輕嵐散竹林  
揔顧小坐聽晨禽  
未蒸花氣機偏澀  
乍寫春聲意獨深  
緩引易調多種舌  
瑣言難竟一生心

何如隱忍過殘臘末路風煙恐不禁

七言絕句

百舌鳥

唐僧無則

十回百轉過花時似向春風訴別離若使衆禽俱解語  
一生懷抱有誰知

戲和舍弟船場探春

宋黃庭堅

百舌解啼泥滑滑忽成風雨落花天城南一段春如錦  
喚取詩人到酒邊

山中春曉聽鳥聲

明 高 啓

子規啼罷百舌鳴東窗卧聽無數聲山空人靜響更切  
月落杏花天未明

春日書院

明 魯 鐸

門巷青苔隔路谿小桃開滿磬池西枕書眠著無人喚  
花裏東風百舌啼

園居

明 俞允文

蕭蕭無伴獨爲家靜裏經春任物華綠樹千章啼百舌

香風吹盡紫藤花

御定佩文齋詠物詩選卷四百五十三

欽定四庫全書

御定佩文齋詠物詩選卷四百五十四

杜鵑類

五言律

子規

唐杜甫

峽裏雲安縣江樓翼瓦齊  
兩邊山木合終日子規啼  
眇眇春風見蕭蕭夜色淒  
客愁那聽此故作傍人低

和周贊善聞子規

唐張籍

秦城啼楚鳥遠思更紛紛况是街西夜偏當雨裏聞應  
投最高樹似隔數重雲此處誰能聽遙知獨有君

五言絕句

夜聞子規

唐王建

子規啼不歇到曉口應穿况是不眠夜聲聲在耳邊

聞子規

唐雍陶

百鳥有啼時子規聲不歇春寒四鄰靜獨叫三更月

七言絕句

送人歸岳陽

唐李益

煙草連天楓樹齊  
岳陽歸路子規啼  
春江萬里巴陵戍  
落日看沈碧水西

汎舟入後谿

唐羊士諤

雨餘芳草淨沙塵  
水綠灘平一帶春  
惟有啼鶯似畱客  
桃花深處更無人

杏山館聽子規

唐竇常

楚塞餘春聽漸稀  
斷猿今夕讓霑衣  
雲蘿老樹空山裏



髣髴千聲一度飛

湘江夜泛

唐  
熊孺登

江流如箭月如弓  
行盡三湘數夜中  
無那子規知向蜀  
一聲聲似怨春風

宿石磯

唐  
元稹

石磯江水夜潺湲  
半夜江風引杜鵑  
燈暗酒醒顛倒枕  
五更斜月入空船

酬樂天舟泊夜讀微之詩

元稹

知君暗泊西江岸，讀我閒詩欲到明。  
今夜通州還不睡，滿山風雨杜鵑聲。

呂校書雨中見訪

唐趙嘏

竹閣斜谿小檻明，惟君來賞見山情。  
馬嘶風雨又歸去，獨聽子規千萬聲。

聞杜鵑

唐雍陶

蜀客春城聞蜀鳥，思歸聲引未歸心。  
却知夜夜愁相似，爾正啼時我正吟。

暮春送人

唐僧無悶

折柳亭邊手重攜  
江煙澹澹草萋萋  
杜鵑不解離人意  
更向落花枝上啼

崇壽客舍夜聞子規得三絕句寫呈平父兄煩  
爲轉寄彥集兄及兩縣間諸親友

錄一

宋朱子

空山後夜子規號  
斗轉星移月尚高  
夢裏不知歸未得  
已驅黃犢度寒臯

夜聞子規

朱子

幽林欲雨氣含淒  
春晚端居園徑迷  
獨向高齋展衾卧  
南山夜夜子規啼

鄰山縣

宋范成大

山頂噓雲黑似煙  
脩篁高柳共昏然  
烏啼一夜勸歸去  
誰道東川無杜鵑

過真陽峽

宋楊萬里

仰見青天尺許青  
無波江水不勝平  
只驚白晝山竹裂

杜宇初聞第一聲

鄉邨四月

宋  
翁 卷

綠遍山原白滿川  
子規聲裏雨如煙  
鄉邨四月閑人少  
纔了蠶桑又插田

次韻陳君授暮春感懷

宋  
王庭珪

雨餘山鳥百般啼  
煙隔桃谿一線微  
南北東西春總好  
杜鵑何苦勸人歸

谿橋晚興

宋  
鄭 協

寂寞亭基野渡邊  
春流平岸草芊芊  
一川晚照人閒立  
滿袖楊花聽杜鵑

春日雜興

宋僧道潛

梅梢青子大於錢  
慚媿春光又一年  
亭午無人初破睡  
杜鵑聲在柳花邊

暮春

元黃庚

芳事闌珊三月時  
春愁惟有落花知  
柳綿飄白東風老  
一樹斜陽叫子規

客中即事

元楊載

幾日懸懸雨不休客窗孤迥使人愁  
杜鵑啼切知何處坐對雲山萬木稠

得樟樹鎮便寄家書

元范梈

商船夜說指江西欲託音書未忍題  
收拾鄉心多在紙兩聲杜宇傍人啼

春暮

元葉顥

老紅新綠駐煙波無奈青皇促駕何  
又是一年春事了

杜鵑聲裏夕陽多

已未夏日雜興

元僧善佳

纖纖碧草與階齊  
濃綠陰中杜宇啼  
花院晝長聽正好  
帶聲飛過粉牆西

江上

明汪廣洋

大山小山松樹齊  
千聲萬聲子規啼  
攬衣起舞夕露下  
三更月落吳城西

山中冬日偶題

明紀青



鎮日無人閑竹扉  
階前寒翠上人衣  
開門修竹青如束  
黃葉風前叫子規

御定佩文齋詠物詩選卷四百五十四